



Bájkkeavijssa NuorttaSálto

- Vuogas Árranij!

- Fred Andersen le ájnas fágalaš ressurssa Árranij, javllá direktørra Filip Mikkelsen. Bårggemáno 16. bve rájes le Stájgo ávdep suohkandáلكudiddje gasskaájggásasj virgev Árran julevsáme guovdátjin oadtjum, báddásattjat jagev.

Dán gasskaájggásasj virge duogásj le sjehtadus Árrana ja Bådádjo Allaskávlá gaskan, mij álgaduváj 2007 gidá. Sjehtadus guoskaj Álgoálmukdutkan instituthta ásadimev. Mihtto dutkaminstiuthtajn le nannidit dutkamav, áhpadasáv, ávddánahttembargov ja ávd-dánbuktemav fágajgasskasasj álgoálmukperspektijvajn. Dási gullu aj varresvuoda dutkam ja ávddánahttem, álmukvarresvuoha ja iesjhukso, duodden bájkálasj ja rijkajgasskasasj værmádagáj nannim. Ájluovtan li dudálatja ressurssajn Fred Andersen guhti ietjas máhtudagáj le Árranij tjanádum.

- Fred Andersen le ájnas fágalaš ressurssa Árranij, dutkaminstiuthta ásadimen ja aj fágalaš ávddánahttembargujn ietjas fáhkasuorgen; álmukvarresvuoha ja iesjhukso. Suv berustibme dássta sjaddá nannit - ja ávkken boahet ávddánahttemdahkamusájda varresvuoda hárráj julevsáme guovlo viesádijda, javllá direktørra Filip Mikkelsen, gut sæmme báttá tsuojggi Andersena moatejáhkasasj værmádahka doarjjon sjaddá Árranij fáhkaguovdátjin. Mikkelsen vuoset dasi gå Fred Andersen lågádallá našjonalalattjat ja rijkajgasskasasj varresvuodakongressajn.

- Ájnas le ávkkít ressurssaulmutijit ma gávnnuj lahkabirrusin. Dákkir ulmutijis

ep gávna moaddásav dánna lahkusin. Vuogas lij midjij Fred Andersenijn sjehtadusáv dahkat, javllá Árran-direktørra.

Ja ávdep suohkandáلكudiddje le juo ietjas ádá kántávráv adnuj válldám julevsáme guovdátjin:

- Vuostatjin galgav állit gájkká dataj demensstudias. Dán kántávrán lev juo álles siejnev dævdám skálmáj Steigentunet:is. Dan mañjela galgav ietjam værmádagáv adnuj válldet gå ásadahťap dutkaminstiuthtav Árranin, lahka aktijvuodajn Bodø Allaskávláj. Norlánda fylkasuohkan li juollodam biednigijt prosjektaj, ja ájádus le stuoves institusjávnnán dahkat jahkásasj ruhtadárjajn. Juo le akta virge biejadum dutkes Ubbmemis guhtimusj gálgádismáno 1. bve álggá, subtsas Fred Andersen.

- Dutkaminstiuthta perspektijvva gábdugijt gábtjtá, valla fylkasuohkan le álmukvarresvuodabargov ájnnašamos barggon, ja dát má le ietjam fáhkaguovlo. Valla gal hástalusá muv aj duosstu. Gájkká barggo galggá álgoálmukperspektijvan dáhpáduvvat, ja mujna le állu oahppat sámij giela, árbbedábij ja kultuvra hárráj. Gatjáduvvam lev dagátjit guoradallamvædtsagav hiebadahťedum sámij giellaj ja kultuvrraj. Ássje le nav;



Tæksta: Børge Strandskog/Gunnar Grytøyr
Járggálibme: Divte Media AS/Ingrid Kintel

moattegielaga gudi demensav oadtju, gahtti ruopptot ietjasa vuostasjiellaj, ja e dájdada ietjá giellaj. Danen viertti vædtsagijt adnuj válldet gánná aj sámegiellak pasientaj rievta bærrágátseduvvi. Ja dát birri dáhpáduvvat álles Helse

Nord:an, áhpáiddjeallaskávláj, skihppijsuotárskávláj ja ájnas virgijn álmukvarresvuodabargon, javllá Fred Andersen – guhti ávvudallá ádá dahkamusájda validit.

Stuoves láchko sámegiellak oahppijs

105 oahppijs li dal 28 sámegiellajn vuostasjiellan Ájluovta skávlán.

Ienemus oasse sámegiellak oahppijs li nuorajskávlán, gánná 14 sámeklássan vádtsi. Da 12 vuostasjklássagijis gudi tjavtjan álggin, le lahken sámegiella vuostasjiellan. Lágenanakta oahppe li vuododásen (1.-4. kláss), gálmás gasskadásen (5.-7. kláss) ja de dá lågenanijeljes nuorajdásen (8.-10. kláss). Divna dáj oahpijn le sámegiella vuostasjiellan.

Ájluovta skávlán le læhkám ávdásvástádus julevsámegiellak áhpádimes 1985 jage rájes. Vuostasjiella-áhpadasán áhpáduvvi divna fága sámegiellaj mánájskávlán, ja vargga divna fága nuorajskávlán.

Ájluovta skávlán le ruhtadárjav duosstum skávláv ávddánahttatjit sámé

ressurssakávlán. Guhkesájggásasj mihtto áhpadasá hárráj le ávdásvástádusáv válldet guhkásáhpádimes julevsáme oahpijda Divtasvuona suohkanin ja aj ábbá rijkán. Ájluovta skávlán galggá stuovesájggásasj julevsáme ressurssakávlán vuodaskávlán liehket, ja ávddánahttem- ja doajmmaruhtadárjav duosstu. - Vilá áhpáiddijit vájllup ja ep la állu jáhtuj boahťam bargujn, javllá skávlá jádediddje Britt-Karin Storvik. Sámegiellaáhpáiddje galggi adnet oasev áhpadasájges bargatjit oahpponævoj, ja hástalus le ádá áhpáiddijit gávnnat gudi skávlá sámegiellaáhpadasáv máhtti jádedit.



Tæksta: Kitty Skapalen
Járggálibme: Divte Media AS

Ájluovta skávlán. Stuoves láchko sámé oahppijs. Neljadisoasse Ájluovta skávlá oahppijs le sámegiella vuostasjiellan. **Drag skole.** Stabilt antall samiskspråklige elever. Vel en fjerdedel av elevene ved Drag skole har samisk som førstespråk.